

王雲五主編。

特

號

前漢書

莊適選註

臺灣商務印書館印行

莊
適選註

前
漢
書

臺灣商務印書館發行

編印人人文庫序

余弱冠始授英文，爲謀教學相長，並滿足讀書慾，輒廣購英文出版物。彼時英國有所謂人人叢書 *Everyman's Library* 者，刊行迄今將及百年，括有子目約及千種，價廉而內容豐富，所收以古典爲主，間亦參入新著。就內容與售價之比，較一般出版物所減過半。其能如是，則以字較小，行較密，且由於古典作品得免對著作人之報酬，所減成本亦多。

余自中年始，從事出版事業，迄今四十餘年，中斷不逾十載。在大陸時爲商務印書館輯印各種叢書，多厲廉售之意，如萬有文庫一二集，叢書集成初編以及國學基本叢書等，其尤著者也。民五十三年重主商務印書館，先後輯印萬有文庫薈要，叢書集成簡編，漢譯世界名著甲編等，一本斯旨。惟以整套發售，固有利於圖書館與藏書家，未必盡適於青年學子也。

幾經考慮，乃略仿英國人人叢書之制，編爲人人文庫，陸續印行，分冊發售，定價特廉，與人人叢書相若；讀者對象，以青年爲主，則與前述叢書略異。本文庫版本爲四十開，以新五號字排印，與人人叢書略同；每冊定價一律，若干萬字以下，或相等篇幅者爲單冊，占一號；超過若干萬字或相等篇幅者爲複冊，占二號，皆依

出版先後編次。每號實價新臺幣八元，一改我國零售圖書向例，概不折扣。惟實行以來，發見間以萬數千字之差，售價即加倍，頗欠公允。研討再四，決改定售價，單號仍爲八元，雙號則減爲十二元，俾相差不過鉅。又爲鼓勵多購多讀，凡一次購滿五冊者加贈一單冊，悉聽購者自選。區區之意，亦欲藉此而一新書業風氣，並使購讀者得較優之實惠而已。

抑今後重印大陸版各書，除別有歸屬，或不盡適於青年閱讀者外，當盡量編入本文庫。同時本文庫亦儘可能搜羅當代海內外新著，期對舊版重印者維持相當比例。果能如願，則本文庫殆合英國人人叢書與家庭大學叢書 Home University Library 而一之也。

韶光荏苒，今距本文庫創刊時恰滿三年，出版書號已達一一一〇，冊數多至七百三十，間有極合本文庫性質，徒以篇幅過多，不得不割愛者，深覺可惜。幾經考慮，決自本年七月，即創刊第四年之日開始，於原有單號及雙號之外，新增特號一種，凡每冊自三百五十面至五百五十面者，一律作爲特號，售價定爲二十元，俾本文庫範圍益廣，而仍維持定價一律之原則，當爲讀書界所樂聞也。

中華民國五十八年六月三十日王雲五識

序言

漢書之作，始於班彪。彪以史記自武帝太初以後，皆缺而不錄，乃作後傳數十篇。彪子固，以所續未詳，又綴集所聞，斷代爲之，起高帝，終平帝，訖王莽之誅，成爲漢書。而八表及天文志未竟，卽卒。和帝詔其妹昭就東觀藏書踵成之，是漢書之成，實經班氏父子三人之手。

史記起五帝，訖漢武，凡五十萬言，漢書祇記一代，乃八十餘萬言，論者每以是定二書之優劣。然不能云爾也。遷主行文，固主載事，故史簡而漢繁。況遷於經術之文，幹濟之策，多不收入，固則如賈誼之治安策，鼂錯之言兵事，趙充國之屯田奏等，凡關於國家大計不可缺者，無不備載；他如司馬相如之諭巴蜀檄，諫獵賦等，雖未見重要，亦可爲後世詞賦之祖。

固才較遷似遜，然其整齊一代之書，文瞻事詳，與遷書異曲而同工。其於孔光張禹，直筆詆譏，盡情描寫，洵不愧爲良史。而文法之謹嚴，叙事之清晰，尤非瑜不掩瑕之范書可比。故其書初出，卽已傳誦一時。

本編已屬稿二次矣。第一次稿方在排比，而一二八之變作，盡付劫灰。今茲重作，期限迫急，疎漏益多，倘蒙當代史學家加以指正，不勝歡幸！

本編初著手時，選材多與從姊丈翁佩孚先生商榷而定；先生績學士，今歸道山，已六年矣，竟不覩是編之成也！此次助編之翁萃，卽其女公子，家學有自，而兩代與此書爲緣亦可異已。

民元二十二年二月武進莊適識

目錄

高帝紀·····	一
劉向傳·····	五九
賈誼傳·····	一〇三
鼂錯傳·····	一四一
李陵蘇武傳·····	一六九
司馬相如傳·····	一九二
張騫傳·····	二一二
霍光傳·····	二二五
趙充國傳·····	二五五

儒林傳序·····	一一八四
循吏傳序·····	一二九二
酷吏傳序·····	一二九五
游俠傳序·····	一二九七

高帝紀

高祖，^①沛豐邑中陽里人也，^②姓劉氏。母媼，嘗息大澤之陂，^③夢與神遇；^④是時雷電晦冥，父太公往視，則見交龍於上。^⑤已而有娠，^⑥遂產高祖。

^①高祖名邦，字季。

^②沛秦縣故城在今江蘇沛縣東。豐秦沛縣邑，漢置縣，以至今。中陽里名。

^③媼音奧（么），女老之稱。息休而寐也。陂音裨（父一），澤之隄障。

^④神即龍也。遇會也。媼妊高祖，夢與龍會也。

^⑤交與蛟同。

^⑥娠即身也。

高祖爲人，隆準而龍顏，^①美須髯，左股有七十二黑子。寬仁愛人，意豁如也。^②常有天度，不事家人生產作業。及壯，試吏，^③爲泗上亭長，^④廷中吏^⑤無所不狎侮。好酒及色。常從王媼武負貫酒，^⑥時飲醉臥，武負王媼見其上常有怪；高祖每酤，^⑦留飲酒讎數倍，^⑧及見怪，歲竟，此兩家常折券棄責。^⑨

○隆高也。準鼻也。顏眉目間也。

○豁如開大之貌。

○試吏試用爲吏也。

○泗水名。泗上亭。泗

水亭也。在今沛縣東。秦法十里一亭。亭長長亭之吏也。

○廷郡府廷也。

○王武皆姓也。負老母

也。貰音世（尸）除欠也。

○酤買酒也。

○讎亦售。讎數倍價也。

○責與債通。以簡牘爲契券

折毀之。棄其所負。

高祖常繇咸陽。○縱觀秦皇帝。○喟然大息。○曰：「嗟乎！大丈夫當如此

矣！」

○繇同徭。役也。咸陽秦都。漢爲渭城縣。在今陝西長安縣東。

○縱放也。放觀無忌。

○喟然歎貌。

大讀如太。大息長歎息也。

單父人呂公。○善沛令。辟仇從之客。因家焉。沛中豪桀吏聞令有重客。皆

往賀。蕭何爲主吏。○主進。○令諸大夫。○曰：「進不滿千錢。坐之堂下！」高祖

爲亭長。素易諸吏。乃給爲謁。○曰：「賀錢萬。」實不持一錢。謁入。呂公大驚。起

迎之門。呂公者，好相人，見高祖狀貌，因重敬之，引入坐上坐。^⑥蕭何曰：「劉季固多大言，少成事。」高祖因狎侮諸客，遂坐上坐，無所詘。^⑦酒闌，^⑧呂公因目固留高祖。^⑨竟酒後，呂公曰：「臣少好相人，相人多矣，無如季相，願季自愛！臣有息女，^⑩願爲箕帚妾。」酒罷，呂媼怒呂公曰：「公始常欲奇此女與貴人，沛令善公，求之不與，何自妄許與劉季！」呂公曰：「此非兒女子所知！」卒與高祖。呂公女，卽呂后也，生孝惠帝魯元公主。

①單父，讀如善甫，秦縣，卽今山東單縣。呂公，名無考。

②主吏功曹也。

③進會禮之財，與贐同。主

主其收斂之事。

④諸大夫，謂秦民爵公大夫以上，令丞與亢禮。

⑤給音待（勿乃），欺也。爲謁

書刺自言爵里。

⑥上坐，尊處也。

⑦詘，同屈，不安意。

⑧闌，希也，飲酒者半罷半在也。

⑨動目

留之。⑩息，生也；息女，所生女。

高祖嘗告歸之田。①呂后與兩子居田中，有一老父過請飲，呂后因鋪之。

③老父相后曰：「夫人，天下貴人也。」令相兩子，見孝惠帝，曰：「夫人所以貴者，乃此男也。」④相魯元公主，亦皆貴。老父已去，高祖適從旁舍來，呂后具言：客有過相我子母，皆大貴。高祖問曰：「未遠。」乃追及，問老父。老父曰：「鄉者夫人兒子皆以君，⑤君相貴不可言。」高祖乃謝曰：「誠如父言，不敢忘德！」及高祖貴，遂不知老父處。

①吏休假曰告。

②舖音通（ㄅㄨˊ），以食食人也。老父請飲，后因食之。

③言因有此男，故貴。

④言以君故得貴。

高祖爲亭長，乃以竹皮爲冠，令求盜之薛治。①時時冠之；及貴，常冠，所謂劉氏冠也。

①求盜亭卒也。亭有二卒：一爲亭父，掌開閉掃除；一爲求盜，掌逐捕盜賊。薛在今山東滕縣南。薛有作冠師，故使求盜往治之。

高祖以亭長，爲縣送徒驪山，^①徒多道亡；自度比至皆亡之，到豐西澤中亭，^②止飲，夜皆解縱所送徒，曰：「公等皆去，吾亦從此逝矣。」徒中壯士願從者十餘人。高祖被酒，^③夜徑澤中，^④令一人行前。行前者還報曰：「前有大蛇當徑，願還。」高祖醉，曰：「壯士行，何畏！」乃前，拔劍斬蛇，蛇分爲兩，道開。行數里，醉，^⑤臥。後人來，至蛇所，有一老嫗夜哭，人問嫗：「何哭？」嫗曰：「人殺吾子。」人曰：「嫗子何爲見殺？」嫗曰：「吾子，白帝子也，化爲蛇，當道，今者赤帝子斬之，故哭。」人乃以嫗爲不誠，^⑥欲苦之，嫗因忽不見。後人至，高祖覺，告高祖，高祖乃心獨喜，自負。諸從者日益畏之。秦始皇帝嘗曰：「東南有天子氣。」於是東游以厭當之。^⑦高祖隱於芒碭山澤間，^⑧呂后與人俱求，常得之，高祖怪問呂后，后曰：「季所居，上常有雲氣，故從往，常得季。」高祖又喜。沛中子弟或聞之，多欲附者矣。

○驪山在今陝西臨潼縣東南。始皇死，葬驪山，故郡縣送徒士往役作。○亭在澤中，因名。○被，

加也。被酒，猶中酒也。④徑，經也。⑤醉後行數里而困，故臥也。⑥謂所言不實。⑦厭，入聲，鎮

也。厭當之，鎮厭而自當之。⑧碭，音宕（勿尤）芒碭，二山名，在今江蘇碭山縣東南。

秦二世元年，秋七月，陳涉起薪；①至陳，②自立爲楚王。遣武臣張耳陳餘略趙地。③八月，武臣自立爲趙王。郡縣多殺長吏以應涉。九月，沛令欲以沛應之，掾主吏蕭何曹參④曰：「君爲秦吏，今欲背之，帥沛子弟，恐不聽；願君召諸亡在外者，⑤可得數百人，因以劫衆，⑥衆不敢不聽。」乃令樊噲⑦召高祖。高祖之衆，已數百人矣。於是樊噲從高祖來。沛令後悔，恐其有變，乃閉城城守。⑧欲誅蕭曹；蕭曹恐，踰城保高祖。⑨高祖乃書帛射城上，與沛父老曰：「天下同苦秦久矣，今父老雖爲沛令守，諸侯並起，今屠沛；⑩沛令共誅令，擇可立立之，

以應諸侯，卽室家完；^①不然，父子俱屠，無爲也。」父老乃帥子弟共殺沛令，開城門，迎高祖，欲以爲沛令。高祖曰：「天下方擾，諸侯並起，今置將不善，一敗塗地。吾非敢自愛，恐能薄^②不能完父兄子弟。此大事，願更擇可者。」蕭曹等皆文吏自愛，恐事不就，^③後秦種族其家，^④盡讓高祖。諸父老皆曰：「平生所聞劉季奇怪，當貴；且卜筮之，莫如劉季最吉。」高祖數讓^⑤衆莫肯爲。高祖乃立爲沛公。祠黃帝，祭蚩尤於沛廷，而擊鼓，^⑥旗幟皆赤，由所殺蛇白帝子，「所」殺者赤帝子故也。於是少年豪吏，如蕭曹樊噲等，皆爲收沛子弟，得三千人。

①陳涉名勝，陽城人，與吳廣首起伐秦。斬音其（く一）秦縣，故治在今安徽宿縣。②陳秦縣，卽

今河南淮陽縣。③武臣陳人，張耳大梁人，陳餘大梁人，略行而取之，用力少。④曹參爲掾，蕭何

爲主吏。⑤時苦秦虐政，有逃亡辟吏。⑥劫勢脅也。⑦噲，音快（く又万）。⑧城守，守城也。

⑨保，依也。⑩屠沛，破沛城而盡殺其民也。⑪完全也。⑫能薄，能力薄弱也。⑬就，成也。⑭

誅及宗族也。⑤數音朔（尸×亡）頻數也。⑥釁鼓殺牲血以塗鼓也。

是月，項梁與兄子羽起吳。①田儋與從弟榮橫起齊，自立爲齊王。韓廣自立爲燕王，魏咎自立爲魏王。陳涉之將周章，②西入關，至戲，③秦將章邯拒破之。

①吳地在今江蘇。

②儋音旦（勿馬）齊地在今山東。

③周章字文，陳人也。

④戲水名，在今

陝西臨潼縣東。

秦二年十月，沛公攻胡陵方與。①還守豐，秦泗川監平將兵圍豐。②二日，出與戰，破之。令雍齒守豐。

①胡陵秦縣，在今山東魚臺縣東南。方與讀如房預，秦縣，在今魚臺縣北。

②泗川即泗水郡，秦置，

漢改爲沛郡，今江蘇安徽皆有地屬焉。監秦官名平監之名也。

十一月，沛公引兵之薛，秦泗川守壯。①兵敗於薛，走至戚。②沛公左司馬

得殺之。③沛公還軍亢父，④至方與。

○守官名。壯守名也。

○威秦縣，在今山東滕縣南。

○得而殺之。

④父，讀如甫；亢父，秦縣，在今

山東濟寧縣南。

趙王武臣爲其將所殺。

十二月，楚王陳涉爲其御莊賈所殺。①

①涉爲章邯所敗，賈遂殺涉以降秦。

魏人周市略地豐沛，使人謂雍齒曰：「豐故梁徙也。」①今魏地已定者數十城，齒今下魏，魏以齒爲侯，守豐。②不下，且屠豐！」雍齒雅不欲屬沛公，③及魏招之，卽反爲魏守豐。沛公攻豐，不能取。沛公還之沛，怨雍齒與豐子弟畔之。正月，張耳等立趙後趙歇爲趙王，東陽甯君秦嘉立景駒爲楚王，④在留，⑤沛公往從之；道得張良，遂與俱見景駒，請兵以攻豐。時章邯從陳，⑥別將司馬卬